



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).



## **Philosophical Transactions**

Please note: Due to an error in the print volume, the page numbering in this article may contain either page numbering skips, or page numbering repetitions, or both. However, the article content is presented in its entirety and in correct reading order.

**Please click on "Next Page" (at the top of the screen) to begin viewing the article.**

I. R. P. Geo. Jos. Camelli, *De Plantis Philippen-  
sibus Scandentibus, Pars Quarta. Ad D. Jacobum  
Petiver, S. R. S. nuper transmissa.*

Fig.

139. **C**Antong & Tangcong Indorum, seu *Brassica Ma-  
rina prima. Soldanellam officinarum* Botanici  
plerumq; omnes *Brassicam* faciunt *Marinam* Dioscor: Ipse  
bonâ tantorum, & optimè de re medicè meritorum viro-  
rum veniè, plantam in Luzone *Cangcong*, & *Tangcong* vo-  
catam legitimam Dioscoridis *Brassicam Marinam* esse cen-  
seo; utpote quæ adæquatè com descriptione Dioscoridis  
*Brassie Marine* convenit, & insuper notam, quæ in  
*Soldanellâ officinarum* desideratur, folia scilicet longa,  
& tenuia, habet. *Cangcong* pono, seu *Tangcong*; ad  
maris littoralia, & specialiter in fluviorum brachijs aquâ  
marinâ mixtis abundè provenit, prout & in *Lacu  
Baij*; verùm & in hortos translata citissime ado-  
lescit, & vitiosè propagatur. *Viticulis* inanibus, & fistu-  
lofis, quæ crebrò radices agunt, serpit, mollibus, & ali-  
quando rubentibus, pauca succo lacteo prædictis, ut  
folia. *Folia* singularia, pingua, oblonga, & angusta,  
mucronata, & aliquando ad imum paulò ampliora, &  
nonnihil dentata, saporis ex falso amariusculi. *Flos* cam-  
panulatus ex cœruleo purpurascit; ad *Indicæ campanule*,  
aut *Ægyptiaci Convolvuli* florum figuram accedit. *Semen*  
fuscum, & binum, in simili, sed minori *Scammonie nostræ  
prima* vasculo. *Ufus* hujus *Cangcong* est, ubi sanis, aut  
ægotis alvus nimiam adstricta fuerit, summitates, & tene-  
riora folia decocta in cibum leguminis loco offerre; alvum  
siondem citò, effluat, & absq; molestiâ, non secus ac  
apices foliorum *Cassie solitive*, deturbat. *Succus* verò  
saccharo mixtus *Hypocistis* ad aquæ excrementitiæ sabur-  
ram

Vires.

ram elutriandam utiliter propinatur. Soldanellam *Matthiolum* cum *Rhao* exhibet, *Schroderus* cum *Jingibere*, & ad Scorbutum commendat, quod prodesse in pluribus expertus sum. *Chabraus* tutò pueris, & imbecilibus exhibet, quod alij non admittunt.

140. *Brassica marina altera*. Hispani in Luzone *Pie de Fig.* *Cabra*, ob vestigij pedis capræ figuram, quam folium exprimit, Indi *Lampayong Catancatan, Bagasua, Camigang, Lagayray, Daraypay, Ragayray, Arogayday, & Alagaylay* vocant. Hæc maritima longè, latèq; solidis viticulis serpendo occupat, & obducit: Nec, ut *Cangcong*, alvo Vires. deijciendæ deservit; sed ambustis medendis, & antiquis, sordidisque ulceribus mundificandis, & sanandis, foliorum pulverem videlicet inspergendo, & contusa folia sub cinere cocta superimponendo. Eadem contusa, sale, & oleo mixta, & assa Scrophulis imposita, eas efficaciter discutit, ut radix *Zerumbeth*, & folia *Malvæ cordifoliæ frutescentis* Luzonis. Succus foliorum illitus prodigiosè capillum crescere facit. *Folia* crassiuscula, uncias tres lata, & totidem longa, parte superiori mucronis loco, ut *Brassica marina major* C. Bauhin. habet incisa. *Flores* similes sunt floribus *Cangcong* quoad figuram & colorem, non singuli, sed plures in longiori pediculo ad folij geniculum exeuntes. *Semen* fuscum, subrotundum, in ovalibus delitescit loculis, seu vasculis.

## SECT. XI. Scandentes, uno vasculo plura habentes semina.

141. *Acetosa Ternatensis*, seu *Oxyptentaphyllum*, Indis Fig. *Sagmit, Agnithoay, & Tugabang*. Spinofus, & reptatu Scandens est frutex, elegans, & gratiofus; ut rariorem vix conspexerim plantam. Siquidem *Folij* luxuriat quadruplicibus, quæ alternatim plura simul proveniunt, binis foliolis, seu latioribus, & sessilibus unguibus ad exitum comprehensa. *Folia* reliqua in longioribus, & spinosis pedunculis,

pedunculis, crenata omnia, & aut hederacea trilobata, aut tricuspidata, vel quinquefolia. Unà cum foliorum manipulo prodit & floris mucronatus petiolus insidens quinis, quasi hamatim incisus, longiusculis alabastris. *Flos* candidus est, pentapetalus, palmaris in divaricatione, inodorus, cujus internum internum gratiosa inumbrat purpura, ut floris *Belamjci*. Seminis hirta, & aculeata receptacula *Semen* claudunt inæquale, senline sinapi majus. Folia *Sagmit*, apices *Alagao*, & capacea involuera *Tanglat* Indi piscibus coquendis adjiciunt.

Fig:

142. *Baligarab Baguin* frutex est, cujus virgulta in longa abeuntia sarmenta volucris modo scandunt. *Folia* subaspera Laurinis majora, ex adverso provenientia, paucis prædita nervis. *Flores* exigui, copiosi, cyanei, hexapetali; petala subrotunda, in umbilico sex candidissimorum foliorum, à reliquis distinctissimorum, & floris formam constituentium sessilis congeruntur. Hæc florida, a floribus, & folijs distincta alba folia, dein deciduis floribus, unà cum fructu incrementum sumunt, & perennant, nec decidunt, sed semper fructibus substrata eisdem concomitantur. *Fructus* parvæ sunt glandes in caliculo denticulato, fauces leviter adurentes. Hic frutex scandens, & *Baligarab* arbor quoad formam, uti & nomen cum *salice peregrinâ* Leonhardi Rauwolfij, seu Maurorum *Garab*, nonnihil affinitatis habere videnter, è quâ scilicet sit *Aphronitrum* igniario pulveri parando, uti in *Luzone* ex *Balibago*, & *Bagatbat* arboribus.

143. *Malasavia*. *Volvulus* est ferens *Folia* sociata, magna, ut *Folium Indum*, & ut hæc, quinis majoribus fulcita nervis; ad horum genicula binos racemos vasculorum triquetrorum, seu ex tribus latis, papyraceis hemicyclis, & divisibilibus alis constans, habentium *Semen* compressum in latis, & argenteis folliculis. *Radix* capitata est, & esculente.

Fig:

144. *Aristolochia Clematilis* Luzonis. *Sarmentis* scandendo longissimis, altissimas quasq; superat arbores. *Folium*

*linum* alternum, spithameum, palmo latius, trinis luculentioribus, & alijs quam plurimis dotatum, in mucronem protensum. *Flos*, & feminis pericarpium similia reliquis *Aristolochiis*, sed crebra racemis ad foliorum exitus. *Radix* longè serpens, sesquiuncialis, corticis crassi, subflavi; fermentis est saporis. Utuntur radice *Indi* in ventris tormi- Vires. nibus, ad ciendos menses, partum, & secundinas, obstructionibus, contumacibus flatuum copiâ, nec non in erosionibus gingivarum: Et *Ubiutihian*, *Malauti*, *Bitinbitin* & *Timbatimbangan* vocant.

145. *Malanino*. *Volulus* est magnus. *Folia* habet mag- Fig. na, & è regione posita, ut arbor *Nino*; Fructus pariter similis est fructui arboris *Nino*, sed compressior, creber, subflavus, & rubescentibus flosculis pentapetalis, ut *Nini*, ex ipso fructu undiq; procedentibus confitus.

146. *Volulus Amygdaloides*. *Folium* habet spithameum, Fig. ferè bipalmum latum, alternum, crassum, & quasi coriaceum, obscure virens. *Fructus* quoad putamen carnosum *Amygdalo* simillimus, uti & putamen lapideum; sed major, prout & *Nucleus*, qui flavescit, & quasi ex crebris fragmentis compactus est, ut *nucleus Cacao*; saporis aduersi. Nasceitur *Silanij* ad fluvium.

## Seçt. XII. Scandentes folio composito.

147. *Volulus Pineæ Vermifuge*, Indis *Niongiogan*, & Fig. *Bavaybavay*. Uno ramusculo communiter decem habet *Folia*, & hæc ex adverso posita, palmum lata, sesquipalmum, aut spithamam longa, mucronata, & latè virentia. *Flos* in ramusculorum provenit summitatibus, racematim cohærens; est autem ex longo, & tenero tubulo pentapetalus, inodorus, externè candicans, internè ex gratiosâ pallescens purpurâ. Floribus succedit pentagonus, & pentatoris *Fructus*, niger, corticosus, & fructui *Bilimbin* simillimus, sed vix uncia longior, qui corticoso putamine rejecto nukulam offert formæ pineæ, sed ex quinque hemicyclis carinulatam, saporis grati, ceu Cocci teneri, qui lumbricos, & ventris tineas pellit, & interimit. Si in-

D d d d d d d d d d

caute,

cauté, & in copiâ offeratur, singultum causat, & sitim. Idem præstat foliorum *Succus*, qui & oculis inspersus, nubeculas discutit.

Sect. XIII. Scandentes *minùs cognitæ*, folio *composito*.

148. *Lignum Sanctum* in *Luzone* vocant lignosa, brachialia, subrufa, porosa, saporis non ingrati, cortice vestita, ex subfulvo, & phoeniceo variegata, & transversim dissecta, multoties ex interveniente cortice quodammodo effigiem Rosæ exhibentia Sarmenta *Voluli Maximi*; quem Indus *Camurim*, & *Tagalijs*, melius *Tacikæ* vocat, Hispanus *Palo Santo*. Cortex internè interveniens, & Rosæ folia interstinguens indicare videtur Sarmentum non tantùm ab intrinseco, sed & forinsecè accrescendo sumere incrementum, & augmentari. *Folia* gerit communiter ex 14, 16, aut 18 composita; folia specialia ex subrotundo mucronata, alternè appensa, in quibus nervuli per ea discurrentes quasi alia depingunt folia. Fluviorum amat ripas: De Flore, aut Fructu nihil scire potui. Sarmenta vulgus Quaiaco utiliter substituit; sudores potenter promovere expertus sum in refrigeratione, & Morbo Gallico: Concoctionem adjuvare de reliquo, & cibi dejectam resarcire ferunt appetentiam; prægnantibus tamen sine abortûs periculo exhiberi non posse.

Vires.

Fig.

149. *Camafga*. Frutex est scandens, cujus vieta sarmenta *Indis* lignstrum præstant sepibus colligandis. *Folium*, quod alternè provenit, componitur ex alijs sesquiuncialibus, oblongis, mucronatis, exsuccis, subalbidis, & subhirsutis, sibi oppositis 25 foliolis. *Florum* congesti, & breves ramuli parvos, candidos, inodoros, & pentapetalos sustinent flosculos. Sarmentosum lignum fruticis *Camafga* concisum, & decoctum multi utiliter calidè ad instar *Tchia* bibunt, defatigati nempe abstinere, quos reficit.

Fig.

150. *Volulus Malarayo*. Magnus est; Sarmenta crassitudinis carpi, levissima, transversim recisa variis spongiosæ materiæ exhibent figuras. Cortex cinereus, asper. *Folium Pyri*, quinum in uno ramusculo.

Sect.

Seçt. XIV. Scandentes *minùs cognita*, folio *alternè exeunte*.

151. *Volulus Absynthites*, Indis *Macabuhay*, aut *Macabubu- Fig. hay*, id est tribuens vitam, alijs *Panavan*, *Paliganan*, & *Tag-nantagnan*. In dumetis, & umbrosis passim proveniens, longilimissimis scandit *Sarmentis*, digitum crassis, nodis verrucosis obsitis, ex phœniceo luridè virentibus, splendentibus, *Viperas* quodammodo referentibus, & harum ad instar senectam deponentibus, sub quâ Cortex crassior, carnosus, & latè virens, & sub hoc Medulla constans albis, & tenacissimis filamentis; ex quorum contextu *Indi* eleganti curiositate armillas, moniliq; à venenis, ac peste, ut ferunt, præservantia componunt. *Folia* hederacea, subrotunda, mucronata, alterna in longiori pediculo, Saporis, ut *Sarmenta*, *Absynthio* magis amari. *Flosculos* mittit in sesquipalmaribus ramusculis, plures, herbaceos, cum apicibus flaventibus, tripetalos, inodoros. *Sarmenta* aere suspensa, aut plantâ rescissa arboribus involuta diutissimè virent, & vivunt; imò & folia emittunt: Et, quod admirandum, filamenta filum ligatorium crassa, rectissima, septem sæpe, aut plures longa *Orgyas*, terram, ut radiceantur, quærentia demittit; ubi radiceantur, & sarmenta jamjam marcescentia denuo restaurant, reficiunt, & refocillant. Succus, aut Vires. decoctum Sarmenti assumptum venenis adversatur, febres, præsertim tertianas, infringit. Lepram, & Morbum Gallicum curare ferunt; & ut reliquæ tumorum efficacius dissipentur, ocyusq; exulcerationes sordidæ, & gummata Gallica mundificando ad cicatricem perducantur, lotiones, fots, infessus, & balnea vaporis sudorifera inde parata adhibentur: Radix summopere laudatur ad dejectam cibi appetentiam restaurandam, ad diarrhœas item, & vomitus sistendos. Oleum ex sarmentis, & *Sesamino* insolatione paratum ad præsentiam Malefici *Barang* effervesce narrant. Nonnulli Oleum componunt Polychrestum ex *Paligavan*, *Nglasson*,  
D d d d d d d d d d 2 *Pam.*



*Pangaguafon, Manungal, & Borogtongon.* Succus ablaſtan-  
dis deſervit pueris. Sarmenta contuſa curant manantia  
ulcera, & Ten id eſt.

152. *Alaanguilang Baguin.* Folium exerit alternum, aſperum,  
ſubhiſſutum, ſpithameum, palmum unum latum, parte  
pronâ atrè virens, terſumque. *Flos* infidenſtribus flavis, &  
convexis alabaſtris, magnus eſt, atro-purpureus, inodorus,  
hexapetalus; folia oblongo-obtuſa. Floris umbilicum  
flavus, echinatus, ſeſſilis, & moro compar, ex crebris,  
& oblongis ſeminibus coagmentatus occupat nodus. Fru-  
tex eſt ſcandens.

153. *Banag Camagſa*, ſeu *Ronas*, aut *Ubiubihan* vocant  
Indi hujatē *Pſeudochinam*. Sumitur, & ſubſtituitur pro  
*China* præmiſſâ decoctione. Reperitur duplex; ſubdulcis,  
rubra, folio peramplō. Altera alba, radice amarâ, &  
folio anguſto, mucronato.

Fig.

154. *Pilipoc.* vel *Pitigpoc.* Spinuſa eſt planta, & ſcan-  
dens, ut *Laſtang*, cujus Sarmenta tranſverſaliter ſciſſa  
iſſdem gaudent circulis, quibus Sarmenta *Laſtang*, ſed  
alba ſunt, ſolidiora, & non flava. Deſertur *Leyte*, *Oſton*,  
*Baragnen*, & *Panay*; amat umbroſa, & ſaxoſa. *Folium*  
dilutè viret, quaſi frontatum, alternum, ſpithamâ brevius.  
*Radix* majuſcula, longa, lignoſa, candida, amara cum  
acrimoniâ, odoris petroſelini, non raro tuberoſis excreſ-  
centijs inæqualis. Venenis omnibus efficaciter re-  
ſiſtere tradunt, ſagittarum verò veneno infectarum vulne-  
ribus officere; alvum pulveris ʒiſſ ſine moleſtiâ repurgat,  
& in affectibus dubiis, & incertis curandis (hujusmodi  
multa Indi recommendant) ſecurum eſſe medicamen reſert  
Nirembergius. *Philipog* quatuor reperiuntur ſpecies; due,  
ſcilicet *Mas* & *Femina* in petroſis, & alie due in montibus  
ſylvofiſ. *Mares* corticem habent aſperum, magis morel-  
lum, & ſine morâ ſcandunt. *Femina* plus repunt, quàm  
ſcandunt; corticem habent terſum, & magis amarum. *Folia*  
*Lauri* majora. Montana omnium efficaciffima, imo &  
aliarum *Contrajervarum*, id eſt Antidotorum correſſiva.  
Purgat

Vires.

Purgat bilem, & pituitam, sed sola tardè, & leniter, quare *Vinea* cum alijs propinatur. Rasura corticis aquâ subacta scabiem detergit, & exsiccat.

Sect. XV. Scandentes *minùs cognita*, folio è regione *posito*.

155. *Mangagao*. Scandens, & arborescens est planta. *Folio* ex adverso posito, longiusculo, parvo, & terfo. *Cortice* aspero, crasso, amaro. Vires habet *Daocar*, & valet ad eadem.

156. *Ligustrum Molavin*. Volubilis est planta, *sarmentis* *Fig.* pertinacissimis, unde à duritie ligni *Molavin* & nomen mutuatur. *Folia* gerit atro-virentia, splendentia, neglectius crenata, in sessili pediculo, sibi ex adverso posita, spithamea, & palmum unum lata.

Sect. XVI. Scandentes, quorum *florem*, *fructum*, *folium aut horum ordinem* ignoro.

157. *Pangalamayo*. Planta Scandens; laudatur ad *mammas* suppuratas, & dysenteriam. *Vires.*

158. *Hogaban*, vel *Ugaban*. Convolvuli lac clarificat visum.

159. *Bolongan*. Convolvulus folium habet *Cannacori*, sed odoriferum: Invenitur mas, & foemina; hæc censetur efficacior, & habet folium atro-virens.

160. *Bucau*. Convolvulus, fructu rubro, *Babay* simili, qui maturus nigrescit.

161. *Alilitan*. Volvulus, *folium* habet pilosum, laciniatum, mediocre; *Sarmenta*, ut *Camote*. Valet ad tumores *Vires.* discutiendos, & pruriginem *Basal* folium contusum, calce mixtum impositum. Est verò *Basal* Eruca pilosa, tactu pruritum molestissimum causans, & exulcerationes, manantiq; faciens ulcera.

162. *Malisad.* Convolvuli fructus dolorem sanat ventriculi, & vulneribus telis intoxicatis factis medetur.

Vires.

163. *Taloroog.* Convolvuli *radix* valet contra febres, diarrhoeas, dolores, & morsus animalium venenatorum.

164. *Calingag.* Volvulus Alexipharmacus, folio longiusculo.

165. *Caviran.* Volvulus ad genicula corniculatis aculeis armatus.

Vires.

166. *Hagur.* Planta scandens, spinosa, cujus *radix* admirabiliter adversatur venenis.

Vires.

167. *Lamparaban*, seu *Baguin Famoso* antonomafticè. Est volubilis planta, cujus Sarmenti Scobs, succus, aut decoctum potum, vel in enemate exhibitum Colicam, Cholerae morbi, & omnem ventris, aut ventriculi placat dolorem, & à viperis demorsis subvenit. Radix contusa, & imposita discutit *Pamajas*, *Lamparones*, id est Scrophulas, ut folia *Brassica Marinae*, *Pes Caprae* vocatae. *Indorum* nonnulli componunt Panaceam, ut volunt, omnia sanantem ex *Lamparaban*, *Pamuhat*, *Bayagcambin*, *Putat*, & *Manunggal*.

168. *Baguin* antonomafticè, id est volvulus. *Sarmenta*, & virgulta habet vieta, & contumacissima, vicem præbentia ligulstri. *Folia* sociatim sena, aut etiam plura in uno ramusculo, sesquipalmaria, & majora, trinervia, & ex atro-virente splendentia. *Fructus* sunt poma frequentia, sphaerica, ex viridi flaventia, magnitudinis nucis juglandinae putamine viridi liberatae, carnosa, cum *Seminibus* crebris, compressis, nuci vomicae caninae vix non similibus, at minoribus, albicantibus, pellucidis, & quasi corneis, Saporis adversè amari. An species *Nucis Vomicae Officinarum*? Num idem ac *Lamparaban*? ignoro.

Vires.

169. *Ductitan.* Volvuli prægrandis, ut *Tugtungajas* est. *Sarmentum* ligni porosi, cortice mollioris, dilutè rufi, corticis crassi, subrufi, asperi, solidi, & insipidi. Rasura vulnera recentia 24 horarum spatio admirabiliter consolidat, ulcera antiqua detergit, & sanat. Pota partum accelerat,

lerat, & foetum expellit mortuum sine morâ. Alij *Palo del Cap Franco* vocant; affertur ex plagâ *Honda*. Alijs *Palo de los Sambales*.

170. *Malasauva*. Est aliud etiam scandentis plantæ lignum, minùs crassum, æquè ut *Duclitan* vulnera efficacissimè ferruminans. An *Tugtungajas Maragondonensis*? Lignum vulnèrarium *Paynan de los Aetas*, nî fallor, idem est ac *Duclitan*, forma siquidem, soliditas, & sapor eadem cum illo. Distinguuntur à *Tugtungajas*, solidiora siquidem, & ponderosiora sunt.

171. *Baclacar*. Est *Sarmentum* volvuli, consolidans, facie radicis liquiritiæ, cortice aspero, ligno solido, flavescente, poroso, saporis acerbi. Desertur *Zebuc*.

172. *Malacatmon*. Magnæ, & scandentis plantæ *Sarmenta* incisa aquam stillant limpidissimam, dejectionibus cruentis, & hepatis calidiori salutarem. Pariter & conducit inflammationi oculorum, gutturis, & faucium aphthis in collutione, & gargarismo.

173. *Abongluy*. Planta est scandendo sese involvens. *Folia* folijs *Pilipoc* angustiora. *Cortex* cinereo-fuscus. *Radix* alba; lignosa Trunci materies flavescit; saporis est styptici, subsalsi, amaricantis, demum mordice morsicantis. Valet ad eadem, ad quæ *Daocagay*, seu *Igasod*.

174. *Panilon*. Planta amplexicaulis, magna, ut *Abongluy*. *Cortex* Sarmenti niger, & glaber. *Lignum* coloris lutei. *Mas*, & *fœmina*, utraq; odorifera, sed *fœmina* vehementius, ita ut dolorem causet capitis recenter recisa; saporis adversi, & fatui. Usus cum alijs contra venena. Fœminam alij *Paulan* vocant. *Species tertia* ligni albi, minùs odora, & minùs efficax est.

175. *Sumpa* antonomafticè, id est *Contrayerva*, seu Antidotum. Planta est scandens, arborescens, alexipharmaca, seu venenis resistens, purgans. *Cortex* albicat. *Folia* similia juglandinis, lacte virentia, terfa. Utuntur cortice, & radice, quæ amara sunt cum acrimoniâ, & stypticitate. Usus, & dosis *Dalabrab*, seu *Tabàs*.

176. *Palacat*. Volubilis, & arborefcens planta, ligni folidi, deforis coloris *Daocagay*, fed obfcuri magis. *Cortex* rubens, craffus digiti dimidium, qui masticatus falivam reddit fanguineam, adstringens cum aliquâ acrimoniâ. *Folia* inconcinna, fpathamea, & ad exortum duodecim fpinulis munita. Alexipharmaca eft. *Palacat* arborem vide fuo loco.

177. *Hanboboaya*. Planta eft fcandendo arborefcens, fimilis *Panilon*, cujus fere coloris eft lignum Sarmenti, fed craffius. *Sarmentum* totum verrucis obfitum, tenax, pertinax, & vietum, ita ut pro anchorarum deferviat camelis. *Folia* quafi laurina, minora. *Radix* faporis fubamari, modicè ferventis, cum aliquâ adftrictione. Additur Antidotis.

178. *Panabol*. Planta fcandens. *Candex* ex albo flavet. *Folia* funt Aurantij. *Radix* piper fapit. Eft unum ex præftantiffimis Antidotis; exhibetur communiter *Maguindato* commixtum, & optimos fortitur effectus. *Panabol* arborem vide fuo loco.

179. *Caobos*. Planta eft fcandens. *Cortex* Sarmenti niger. Lignofa materies ex albo crocea. *Folia* pulchella, fpathamâ longiora, ad tactum afpera. *Radix* ex adftringente faporis adverfi cum aliquâ acredine. Immifcetur Antidotis.

180. *Mangoncong*. Planta fcandens. *Cortex* coloris ex rufo nigrefcentis, parvis verrucis tuberosus. *Lignum* folidum, fubfufcum, amarum cum aliquâ acrimoniâ. Vires *Pilipog* effiaciores.

181. *Pamgnao*. Planta fefe involuendo fcandens. *Folia* gerit *Olive* folijs majora, & magis obtufa. *Caulis* parvis obductus fpinulis. *Radix* Saporis boni cum modicâ morficatione, cujus recentis corticis Scobs tumores refolvit, & inflammationes tollit. Siccare convenit fumo, non Sole.

## Appendix ad Scandentes, &amp; Volubiles.

182. *Cayolacka* in Siao, *Lelima* Celebes, *Taratara*, vel *Tadatada*, & *Sandana* Bylaiani, *Kanchinhio* Sinæ, *Sandalo* Hispani vocant Lignum atro-rubens, solidum, ponderosum, gummosum, insciens, *Santalo* Citrino odoratus, aromaticum, primum subdulce, mox amariuscule, & demum probe masticatum non nihilum fervens, brachium crassum, cortice & alburno liberatum, & communiter cavum. Mittitur *Batachina*, *Kauchinchina* sed pallescens. *Peta de Sanguil*, *Tahontungan*, *Siao*, *Buraguen*, & *Camarines* solidius, & gummosius. Est autem *Convolvuli*, seu *Plantæ Scandentis maxime*, cujus Sarmenta non raro femur crassa, cor, seu matrix. *Folia* aiunt esse *Rubi Idæi* folijs similia. Suffumigijs, & odoramentis dicatum est. An *Aspalathus Erylisceptrum*?

183. *Tinganpaquis*, seu *Saguinsaguin*. Planta est *Sarmentis* longè, latèq; repens, & scandens; orbatis folijs, quæ non nisi in apicibus proveniunt. *Fructus* promit per intervalla *Palantis* similes, minores eis, quos *Obispos* vocant, saporis grati, si maturi; gaudet palustribus.

184. *Pangagbasun*. Planta arborescens, altissimè scandens. *Cortex* subfuscus cum verrucis, crassus calami scriptorij. Lignosa radicum, & sarmentorum materies porosa, cum matrice spongiosa. Saporis amari, & adstringentis est cortex. Gaudet viribus iisdem, quibus arbor *Pangagbasun*. Eadem esse videtur, ac *Igasur*, & *Daosagay*.

185. *Malacapulco*. Planta alijs subterni gaudet cre- Fig. *berrimis* sarmentosis virgultis. *Folia* alterna, composita communiter ex 13, palmum longis, sesquiunciam latis, subrotundis, ex adverso subincanis.

186. *Niogniogan altera, fructu tetragono*. Volubilis est Fig. planta, sarmentis pertinacissimis arborum altissimas conscendens. *Folia* trinervia sociatim exeunt, 6 aut 10 in

uno compositorum folio. *Seminis vascula* tetragona, altè alata, papyracea, unam includentia nukulam oblongam, striatam, molliusculam. *Caprelli*, quibus sese spiratim innecit, bifurcati sunt.

Fig. 187. *Volulus digitalifer*. Longis scandendo sarmentis *folia* exerit alternè, pentaphylla, lætè, & splendide virentia; ad horum sinus forficulæ longiores, ad extremum fissæ, & in varios convolutæ cincinnos. *Vascula* solidiuscula, digitum auricularem crassa, longiora effingentia, digitalia, coloris ocræ, & in summo tribus valvulis dehiscencia, in cubitalibus congeruntur racemis. Florem, & semen necdum habere licuit.

Fig. 188. *Planta fruticosa scandens*. *Folium* habet subincisum, alternum, sesquipalmare, palmum latum. Ad horum sinus in longioribus racemulis *fructus* flaventes, exiguos, sparsim appensos.

Fig. 189. *Gayduygayduy*. Planta est volubilis. *Folium* mittit alternum, lætè virens, crenatum, ferme sesquipalmare, subrotundum. *Seminis papilionacea vascula*, triquetra, coloris palearis, in ramosis, spithameis, & longioribus racemis ubertim conglomerata. *Semen* spadiceum, parvum, cordiforme.

Fig. 190. *Colutea scandens*. Frutex est ramosissimus, longè repens, & scandens. *Folia* ex 17, 19, aut 21 Senæ paribus componuntur. *Flosculus* albidus, exiguus, galeatus. *Folliculi* compressi, ut Senæ, communiter biventres, desoris lunato orbe notati, scilicet ubi *semen* delitescit, quod majus est, quàm Senæ, Phaseolum referens compressum.

Fig. 191. *Ubayban*. Frutex est scandens, similis fructui *Camagfa*. *Folium* sesquiunciale, infernè canescit, supernè ex atro-virente splendet, obtusum est, & alternè exiens, & 30 circiter in uno spithameo, majori, seu composito folio. *Flosculi* pusilli, aurei, ad foliorum exitus, quibus succedunt *baccæ* similiter aureæ, magnitudine ciceris, sed compressæ, & senis carinulis, ut fructus *Banquiling*, sulcatæ, continent *sema*, nigra, & angulosa *semina*.

192. *Scandentis Plantæ Malacatmon* Folia alternè enascuntur, solidiuscula sunt, & aspera, palmum lata, spithamam longa, rariùs, & majusculè dentata, & nervis crebris ad marginem usq; protensis fulcita, folijs arboris *Catmon* similia, sed non tam ampla.

193. *Vaynillam*, id est Vaginulam, siliquam esse tradunt plantæ volubilis *Hernandez*, & *Piso* apud *Raium*. Mihi sciscitanti de plantâ *Jac. Antolinus* affirmavit esse fructum arboris mediocris. Idem asseruit *Emanuel de Leon*, qui pariter *Mexici*, & *Peruvij*, ac *Antolinus*, diu vixerat, addens esse fructum arbusculorum, altitudinis, & similitudinis *Genistæ*, folia habere pauca, & longiuscula, *Vaynillas* plures simul congestas pendere à caudice, & ramorum majoribus; Odorem esse proprium, non adscititium, ut quidam volunt, & à longinquo percipi odorem arbusculorum, cum & ipsa folia eodem prædita sint odore. Abundat ad portum *Acapulco*. In *Jucatan* vocant *Czizzbik*, id est *Capiscum Stupidum*. *Vaynilla* est Lobus oblongus, aromaticus *C. Clusij*. Hæc interim, donec *Mexico*, & *Peruvio*, unde plenior expetij notitia, certior fio, aut planta *Acapulco* adferatur, unde expecto. *Vaynillam* recentem *Josephus Encalada* ait esse Lobum teretem, flavescentem, ferme cubitalem, & pollicem crassum, si habitior fuerit; qui ad solem curatus, seu passus in striatam, seu rugosam, nigricantem, & odoriferam abit siliquam.

194. *Planta Scandens Morifera*. Folia promit subro-Fig.  
tunda, sesquipalmaria, alterna, ad quorum sinus continuò super divisum pedunculum bina quævis rursùm binis substratis foliolis complexa, subrubra mora exeunt.

195. *Taguina*, alijs *Galamay*, *Calangcang*, *Carangcang*, aut *Cayangcang*. Planta est scandens, gaudens innasce, & involvi arboribus emortuis, quandoq; tamen in magnam, & vastam assurgit arborem. In Marem, & Fœminam distinguunt *Indi*, hanc *Calangcang* vocant, & Mare magis odorifera est, caudice ex albo viridescente. Folia communiter quina uno cohærent in longiori pedicelo, sed & sena, sep-



Vires

tena, aut novena nonnunquam connectuntur; sunt verò sublustria, terſa, nervis carentia, craſſiuſcula, palmaria, & longiora, obtuſa. *Floſculi* puſilli, ex ſubviridi flaventes. *Fructus* ſunt baccæ virides, ſphæricæ, hexagono vertice notatæ, in botro corymboide, quaſi ex crebris umbellis compoſito. Ramuſculo reſecto gutta ſtillat reſinoſa, lactea, odorifera, quæ temporibus illita dolorem lenit capitis. Arbor ſtillat liquorem copioſum, coloris, & conſiſtentię ſuccini, ubi induruerit, Hiſpanicæ ceræ ad inſtar impreſſas reddens formas. An ſpecies Terebinthi dicenda? Ex apicibus parantur balnea Morbo Gallico, Lepræ, Scabiei, & dolori capitis proficua.

Fig.

196. *Capparis Luzonis*, Indis *Tagaran*, *Xhabagat*, & *Bagit*, diſtincta eſt à *Cappare rotundifoliâ*, ut & *acutifoliâ* Hiſt. Ludg. prouti & à *Tabagineâ*, ſeu *leguminoſâ*. Longis autem, crebris, ſpinofiſ, & circumadnaſcentibus, ſuperinſtratis protenditur virgultis; arboreſcentem caudice bicubitali non vidi, niſi ſemel; de reliquo *Cappari rotundifoliæ* ſimilis, at *folio* longiuſculo, mucronato, biunciam lato, palmam, aut ſeſquipalmam longo, & alterno poſitu enaſcente, é cujus angulo *Capparés*, ſive florum conceptacula, aut petioli ſeriatim ſeptem, vel novem propendent in flores, ſeu roſas parvas, quadrifolias, é candido rubentes, & infinitis fibrarum ſtipatos cirris, unâ cum ſtolone explicandis. *Fructus* eſt pomum rotundum, minori Myſniaco æquale, quod maturum bellè rubet, & decuſſatim dehieſcit. *Semen* reniforme, ſubfulcum, crebrum, Piſo minus. *Radix* cortice tegitur craſſo, albo, & ſolidiuſculo, ut *rotundifoliæ*, & ejuſdem uſûs. Hujus ſcobem ad vulnera recentia ferruminanda inſperſam Indi unicè commendant.

Vires.

Fig.

197. *Jasminum vulgare album*. *Baccas* fert rotundo-oblongas, virentes, dein ferrugineè nigreſcentes, morellè tingentes, ut baccæ Myrtillorum, & *ſemen* continentes, gigartos longiuſculos.

198. *Jasminum* Luzonis, seu Indorum *Camunin*, Mola-<sup>Fig.</sup>  
*win*, aut *Banati*, seu *Buxo-jasminum*. Arbuscula est ra-  
 mosa, foliosissima, spontanea, & umbras amans, rarò crassi-  
 tudinis femoris, ligni solidissimi, flaventis, ut Buxi, aut  
 Euonymi vulgaris, quem alij *Tetragoniam*, & *Fusarium*  
 vocant, tornatilibus accommodatissimi. *Folia* atrè virentia,  
 tersa, & splendentia, obtusè mucronata, frontata, uncia-  
 lia, aut longiora, crassiuscula, ex amaro acria, folijs Myrti  
 similia, communiter septem, aut novem, ad summam 12, aut  
 13 in uno compositorum, alternè, vel sociatim appensa.  
*Flosculi* ad apices in fasciculis prodeuntes, candidi, odoris  
 Jasmino-suavioris, pentapetali, decem crocatis staminibus, &  
 umbilicato stylo referti *Fructus* sunt baccae rotundo-oblon-  
 gae, in mucronem desinentes, virentes, mox rubentes, magni-  
 tudinis minoris avellanae, hirsutis gravidæ arillis. Radicem <sup>Vires.</sup>  
 venenis efficaciter resistere perhibent. Foliorum, & ra-  
 suræ corticis decocto sovent vulnera sagittis intoxicatis  
 facta, & ictus, & exulcerationes ex ictibus animalium no-  
 ciferorum ortas.

199 *Jasminum*, Arabum *Sambach*, seu *Syringa alba*, <sup>Fig.</sup>  
*Indis Sampaga*, & *Marol*, in Luzone colitur triplex. *Pri-*  
*imum vulgare*, folio ex adverso prodeunte, ad summum  
 palmari. *Flore* communiter ter trino in uno fasciculato,  
 ex duplici ordine, & 9, 10, aut 12 folijs composito, in  
 caliculo ex novem radijs. Hoc diligenti curâ arborefcit,  
 & multitudine florum compensat simplicitatem. *Fructum*  
 raro ferre, aut perficere videtur, cum qui se eum obser-  
 vasse asserat, præter *Raium*, inveniam neminem; & in  
 Plantis ultra decennium excultis, caudicis tricubitalis, &  
 uncias quinque crassis, necdum observare potuerim, præ-  
 ter rudimentum inane. Planta *Cortice* obtegatur ad Cau-  
 dicem cinereo, exalbido, & friabili, necnon acriusculo  
 caterùm vitiosè luxuriat, & nisi frequenti cohibeatur pu-  
 tatione, sylvescit. & in virgulta 4, aut 5 ulnarum vimi-  
 nea, & sarmentosa profunditur, non tamen vieta, ut li-  
 gustri vicem præbeant, sed fragilia, nec sese alijs circum-  
 vol-

volventia, sed longius serpendo excurrentia, & crebrò radices agentia, nisi pedamentis adligata arborefcere cogantur. Ut lætius, & uberius floreat in *Decembri* aut *Januario* putare convenit in *Luzone*.

Fig. 200. *Sambach alterum* arborefcere respuit, virgultis gaudet crebris, & tenuioribus, folijs fimilibus priori; flore polypetalo, communiter trino in uno pedunculo, gratiofo, ex pluribus ordinibus, qui folia circiter 24 radiatim in orbem fpargit, relictis in medio alijs petiolum constituentibus, quæ nunquam, aut tandem marcefcentibus prioribus foliolis explicantur.

Fig. 201. *Sambach tertium*, vulgus *Japonenfe* vocat. Luxuriat rarioribus famentis, quæ nunquam ferpunt, fed rectè attolluntur, & non, nifi in fidilibus, excoli gaudet. *Folia* communiter trina, ac trina caliculum ambiunt, quæ anguftiora funt duobus prioribus, verùm & quatuor, fex, aut feptem numero cauliculum cingunt, & fape in apicibus frequentiffima quafi in Thyrfum conglomerantur. *Flos* polypetalus, centifolius, communiter unicus, pulcher, & rarus; affas propullulat & monftrofus, ita ut millena folia gerat, fed tunc non explicat æqualiter, verum uno, aut duobus lateribus, vel marcefcentibus floris primi aliquot ordinibus, alter ex eodem caliculo ex confufa illa innumera-bilium foliorum congerie medium floris occupante, quafi poftumus emergit, propullulat, & affurgit. Radicis *Sambach Orientalis* fuccum, aut pulverem ad ʒij exhibitum, partum accelerare tradunt. Alij in balneo vaporoso commendant. Radix in dolore dentium, afmate, lethargo, & paralyfi utiliter masticatur. In febribus datur Pulvis ad ʒj. Occidentem fpectantem venenum, & nocivam effe volunt. An Arbor, cujus radix Orientem fpectans antidorum, occidentem ipfum venenum, de quâ *Pineda*, & alij. Folia contufa ulcera antiqua manantia, & ferpentia detergunt, cohibent, & dolorem leniunt. Aqua, aut infufum florum vifum acuit. De Oleo vide *Raium*.

202. *Panufus*. Frutex eft scandens, folio conjugato, amplo,

plo, villoſo, in ambitu rariùs ſimbriato, & ſeptem luculentius eminentibus nervis fulcito. *Fructus* quadrangularis, in mucronem abiens, minor avellanâ, pulvere repletus, in racemo prælongi cohæret pediculi. Decoctum foliorum *Pannus* Vires. dentes vacillantes confirmat, gingivarum, & maxillarum reſolvit tumores, & fauces exulceratas ſanat.

203. *Camunin alterius*, ſeu montanæ lignum Hiſpani *Palo de Mierda*, id eſt *lignum Stercorarium* ob gravem odorem vocant. Ex fuſco ſubcroceum eſt, ſolidum, & ponderoſum, optimum, & efficac contra contagia, quod ex inſulâ *Capaloo*, *Tayavas* inter, & *Malindic* fitâ deſertur. Scobs alio, & Aſſâ foetidâ contuſis permixta, & illita ſpafmo medetur. Differt à priori, quod *folium* gerat minus, *florem* inodorum, *lignum* conſcriptum, & uſtum odoris gravis, &c.

204. *Taratara*. In *Camarinorum* vico *Tabaco*, qui inſu- Fig. lam *Catanduan* reſpicit, abundat, ubi ab Indis *Balongawit* audit. Scandentis fruticis eſt lignum, *Cortice* tegitur exalbido, maulcoſo, ſcabro, ſub quo liber corticoſus, ſubfuſcus, ſaporis nullius manifeſti. Alburnum poroſum eſt, purpurea matrix inæqualis. *Folia* non ſunt Rubi Idæi, ut mihi retulère, ſed ſunt folijs ſalicis ampliora, communiter palmaria, aut longiora, ad ſummum bipalmaria, & uncias duas lata, alternè exeuntia, atro-virentia, ſubluftria, odoris ſylveſtris, quinq; ſeptem, aut novem in uno compoſitorum, quorum ſupremum ſemper majus cæteris, quæ pariter alternatim appenſa ſunt ramulis, punctis albis noſatis.

205. *Suaſua*. Similiter ſcandentis fruticis lignum eſt, ſed flavum, & *Taratara* magis odoratum. Hoc ab Indis, & Hiſpanis in *Lazone* pro Santalo flavo, ut *Taratara* pro rubro, ſed perperam habetur. Aliud ferunt reperiri æquè ſcandentis plantæ odoriferum lignum, & album.

206. *Frutex ſpinofus ſcandens, fructu pentagono, echinato.* Fig. *Folia* gerit ad virgultorum geniculos, ſimilia folijs *Batele*, plura ſimul, & incerti numeri, & formæ, ac magnitudinis, congeſta; ubi & binis aduncis defenditur aculeis. *Fructus*

*vascula in ramosis, & magnis racemis, uncialia, oblonga pentagona, quinquevalvia, echinata, & nescio quid viscosi glutinis oblita, nucleum continentia oblongum, fossulâ hiantem.*

Fig. 207. *Macabubay acta.* Frutex est scandens, *folia* ampla, alterna, tenera, rotunda, in exiguum vergentia mucronem, acetosa, quinque luculentioribus stipata nervis, in spithameo pediculo.

208. *Paralongdong*, alijs *Camagfa*. Distincta planta à *Camagfa*, seu *Ligno Sancto*, sed planta scandens, ut illa, sarmentosa virgulta mittit, vieta, *Bexuco* pertinaciora, & magis durabilia, nigerrima, ut *Corallium nigrum*. *Folia* folijs cannæ similia. *Flores* parvi, rubelli. *Baccæ* rubræ, rotundo-oblongæ. *Radix* multiplex, cortice nigro, odoris, & saporis aromatici sine acrimoniâ, convestita.

Vires. 209. *Talongotong*. Volvulus succi rubri, ut *Binonga*. Utuntur decocto epoto in exituris, affectibus scabiosis, & abscessibus internis. *Folia* ampla, ut *Mavolo*.

210. *Rosa sylvestris scandens* Luzonis. *Radix* Plantæ mediocris, cubito longior est, crassitudinis palmaris, cortice tenui, papyraceo, fusco iacta. *Caro* alba, dulcis, raro magis compacta.

211. *Pating Prima*, alijs *Salibangbang-baguin*. *Flos* non est penta-sed tetrapetalus, croceo-rubens, in bicubitalibus alternatim spithameis ramusculis brachiatis racemis, exceptus tetraungui perianthio, & trinis crocatis staminibus, & siliquulæ rudimento, seu embryone dotatus.

212. *Dilan-butiqui*. Planta scandens, distincta ab arbore, *radix* ligneo-fibrosa, cinerea, saporis acriusculi ut *Camagfan*, cum aromaticitate. Utuntur eâ *Indi* in Cachexiâ, obstructionibus, & cacochymiâ.